

Ricordi improvvisi.



*La casa sul monte
col portego scuro,
el posso te'a corte
le rose sul muro,
la stala, el punaro
la cioca i pulsini
e l'orto el pajaro
na siesa de spini.*

*La piova de Aprile
che bate lesiera,
zolàr de sixile (1)
che frisa la tera,
un buto de pianta
na foja novela,
un zugo, na canta
do nose in scarsela.*

*I prà molesini
pa far scapriole,
i celi turchini
le nuvole e'l sole
la vosse, i sorisi
e tanta alegria
ricordi improvvisi*

che riva... e va via.

Leda Ceresara Rossi

(1) rondine

Ve meto 'sti versi par dimostrà che co fa nostra fengua se pol tocar ponte altissime de poesia come co l'italian, lengua leteraria par ecelenza. Diria de più.. i versi scriti in 'sta maniera i riva direti al core, senza che uno prima el pensi a quel che el leze. Parché la xe la lengua che ne ga insegnà fa nostra mama. E alora, fioi..andè a firmar subito in comune fa proposta de lege par el riconoscimento del veneto come fengua ufizial dei Veneti.

Se l'articolo ti è piaciuto condividilo su:

- [Facebook](#)
- [Twitter](#)
- [Pinterest](#)
- [LinkedIn](#)
- [E-mail](#)
- [Stampa](#)
- [WhatsApp](#)
- [Telegram](#)